



1	4
1555	
87	

87



門 14  
1555  
卷 87

洞霄詩集卷第七

宋本山高道

山居

山隱道士龔

大明

山居好山居好鶴喚猿啼餞昏曉碧窻柏子炷爐香  
跌坐蒲團誦黃老

山居好山居好門對青山水環遶一榻煙霞夢寐清  
我以不貪為至寶

山居好山居好竹杖芒鞋恣幽討坐分苔石樹陰涼  
閒數落花聽啼鳥

昭和十九年  
十月十日  
昭

山居好山居好  
斲月鋤雲種瑤草  
泠泠碧澗響寒泉  
蔌蔌落花風自掃

贈道友雪崖朱先生

清高絕雪崖翁  
向上元機頓觀通  
金鼎有丹成九轉  
凝然宴坐白雲中

贈道友怡雲潘先生

九轉工夫真妙絕  
丹爐進火徐徐熱  
離龍坎虎自歸  
降姹女嬰兒共歡悅  
天機密運造元微  
精采神光迥  
然別枝頭結果  
有時紅驂鸞跨鶴  
神仙列

書懷 西江月

我本無爲野客  
飄飄浪跡人閒  
一時被命住名山  
未免隨機應變  
識破塵勞擾擾  
何如樂取清閒  
流霞  
細酌詠詩篇  
且與白雲爲伴

南湖

梅霖初歇  
水平湖湖上  
青山展畫圖  
更著樓臺相掩  
映風流  
端不減西湖

九日和杜子美韻 清隱道士章 至謙

九日登高眼界寬  
羽衣雲集盡清歡  
黃花滿泛淵明

酒白髮仍簪子夏冠庭下流泉趁澗急座閒清氣逼人寒不須更問明年健但向眉頭鬢角看

石室庵夜坐

雪崖道士朱真靜

青燈寒焰弄微明燈與幽人一樣清案上黃庭渾懶看時聞敗葉打窻聲

入山採藥遇異人故云

繫著芒鞋高繫裙野猿相狎許同羣綠蘿林裏採茶去踏碎青山一片雲

又題座右窻閒

經書不是語虛無荆棘叢中有坦塗不遇至人真口訣誤人錯下死工夫

題石室庵前竹上

十年身與鬼爲鄰曾見巖花幾度春莫怪柴門終日閉怕將塵事惱閒人

求洞霄宮碑謝別陸放翁

竹庵道士王思明

還丹一粒如粟大點鐵成金金不壞服之冲舉騎蒼龍直上九霄觀世界君藏此藥天下知鬼神正眼那

能窺歸磨蒼石寶君施文章與此元無異

山居

人貪白水成潘鬢我愛青松示阮眸名利到頭渾是  
夢何如平易賦三休

隨緣隨分是生涯莫使身心亂似麻幸有鉢盂三兩  
箇不妨飽飯臥煙霞

雨後過松風庵

一溪春水湍流急幾樹梅花香韻長暖雨過來山暈  
畫松風庵裏坐清涼

觀碁

興亡今古一枰碁虎戰龍爭豈異斯一死一生奚足  
怪七擒七縱不須疑機籌雖與孫吳合肝膽終防楚  
越危我輩當求超世著若逢活路也須移

聞蟬

變化南風裏超然濁得清一枝藏去穩兩翼蛻來輕  
呼吸飽珠露吟哦傲玉笙秋林如罷唱無處問虧成

仙人隱跡

芝坡道士吳洞明

上古有神仙一去無消息峩峩碧巖前獨遺隱仙跡

長生元牝門目擊而道存班班實可考老澗生雲根  
游人摩蒼崖滿手聞異馨不垂身後芳何以知仙靈

和章清隱山居

物外無寒暑從教歲月深虛閒渾屬我寵辱不驚心  
貧樂知書味詩豪借酒吟山居何所有萬籟奏清音

畱春

柴門深閉莫嫌猜爲怕春歸不敢開幾樹好花風拚  
去一池新水雨添來冥搜秀色增詩料款挹晴光入  
酒杯試問東君來復去何如休去且徘徊

晚春

瘦盡紅英綠已肥杜鵑何事苦催歸未甘淑景堂堂  
去更絜壺觴上翠微

山中紀詠

菊巖道士龔文煥

勝地棲遲慣青山耐久看雲煙五洞古泉石九峯寒  
已化巖前虎猶藏箬下丹黃花生意別秋老不凋殘

又

白日幽情愜閒門到者稀嗜茶和月煮採藥帶雲歸  
春樹餘花落天壇獨鶴飛年華自來往慵換薜蘿衣

逍遙吟

月溪道士貝 守一

飢餐七筋飯渴飲蕤鬻酒不忤白晝眠時復遶庭走  
不結冷淡交亦無名利友晚借竹風涼臨池坐良久  
適意

不效癡禪誤此身安居隨分樂天真閒尋草藥防醫  
病廣施仙方爲濟人學道未逢師訣竅收心且養自  
精神修持要到無空地掃卻從前碍眼塵

自適

跡晦心須晦神清夢亦清一窩如斗大萬事等漚成

風月平章易山林去就輕生生終有累不若事無生

有何不可

園林桃李爭妍我有蘭花數朵盃盤笋蕨鮮肥恁地  
有何不可

炎炎火織張空避暑林亭趺坐有時解帶披襟恁地  
有何不可

桂花香滿脩廊皓月當空照我徐徐三弄瑤琴恁地  
有何不可

竹塢雪封雲鎖地爐溫酒添火醉來擁被高眠恁地

有何不可

冬晴晚步

浮雲初斂夕陽斜路入江村四望賒木厭霜濃頻脫  
葉梅嫌春小未開花翩翩過雁摩晴漢隱隱孤帆趁  
落霞欲壯吟懷沽斗酒野田多處少人家

絕句

高車駟馬謾相誇竹榻蒲團屬自家困睡飢餐何所  
有一溪明月照梅花

洞霄詩集卷第七

洞霄詩集卷第八

宋高僧

游洞霄得鄉友道士鄧君德清話因成古語

濮溪 自彰

亂山倚伏龍蛇蟠蒼藤古木門徑寒藥宮潭潭列萬  
礎碧樓朱戶參雲端吾聞上界足官府謫下名山作  
仙侶我來尋仙訪泉石落日浮雲隨杖屨道士鄧君  
吾故人汲泉煮茗慰酸辛笑談未厭樵柯爛回首人  
間五百春



寓宿洞霄

借庵 淨珪

當年許郭棲真地暇日尋幽獨往來九轉還丹藏箬底千年遺迹寄巖隈巍巍玉殿圍青嶂寂寂瑤壇鎖綠苔假榻壺天追勝集尙憐歸興更徘徊

別峯 寶印

窈窕門前九鎖山琮琤石角千層水白雲影裏閱羣仙風斷木犀香未已我從青城大面來羽衣駕鶴欣相陪五峯去此在咫尺肯惜杖屨時徘徊

夏夜懷洞霄

雲泉 永頤

跣足曾穿古洞衲衣挂在長松一別煙霄十載夜來夢入西峯

涼夜宛游清境歸時尙愛攀松回首雲煙滿日盡遮九鎖寒峯

游洞霄

湖隱 道濟

平明發餘杭扁舟泝清流登岸五六里小逕穿林丘奇峯聳天柱九鎖巖谷幽雲根立仙館勝處非人謀入門氣象雄金碧欺兩眸彈基古松下啼鳥聲相酬羽衣讀黃庭內景宜自修蓬萊隔弱水九轉即可求

洞霄詩集卷第八  
坡翁昔賦詩刻石記舊游溪山增偉觀萬古傳不休  
我來弔陳迹枯腸怯冥搜執炬入大滌襟袖寒颼颼  
懸崖石乳滴千歲無人收樵夫指巖窟此處通龍湫  
方期過東洞紅日驚西投徘徊出山去空使猿鶴愁  
天台山人 法照  
天柱華心結藥宮翠蛟飛玉滾溪風巖生洞穴非人  
世不到那知造化功

洞霄詩集卷第八

雪醅更上危亭望天日客懷渾不著纖埃

詩寄洞霄道友清溪翁書于寓舍歸潔

則堂叟家 鉉翁

漢家中郎年七十霜鬢垂垂人不識冬深破屨踏層  
冰暑到露頭走赤日窮堅老壯本分事百年未死爲  
形役洞天九鎖鬱差峩古來相傳神仙宅我嘗結茅  
天柱前屨齒蒼苔印行跡劫火洞然城郭非清境不  
壞還如昔安期羨門我輩人圓嶠方壺一咫尺夢魂  
幾度如相逢別來已久知相憶願分仙家九轉丹服

洞霄詩集卷九  
之身輕生羽翼周游八表任去來跳出陰陽寒暑域

洞霄宮

秋山張礎

洞天福地冠中華曾得仙翁好句誇山列奇峯開九  
鎖井涵靈液出丹砂高人晤語皆吾道閒地相留卽  
我家欲學長生有真訣晨霞滋味勝流霞

蓬山堂呈周清溪

白雲冉冉鎖青山山上幽人心易安秋水一篇言外  
趣元門衆妙靜中觀翦含春意元無骨井池仙源舊  
有丹明日鶴書徵聘去何妨蕙帳夜深寒

洞霄詩集卷第九

國朝名公

至元壬午暮春既望游洞霄伏覩虛靖留題

次韻 三十六代天師真君張宗演

洞號棲真境絕真若人到此豈凡身一從虛靖題詩

後仙墨光芒日又新

三十七代天師真人張與棣

洞天福地豈仙鄉一派丹泉落礮長山鎖九重塵不  
到樓高百尺鶴來翔遠游煉藥遺踪在坡老題詩淡

墨香莫怪入山雷雨作蛟龍蟄久始騰驤

隨侍天師真人游大滌

龍虎虛舟陳士困

雲關如鎖路縈迴杖策追隨羽駕來松檜倚天青嶂  
合樓臺迎日碧窻開翠微亭好供吟筆丹螿泉甘稱  
潑醅萬里南歸游洞府翛翛滌盡世塵埃

龍虎超然子張德老和

玉京仙仗此徘徊得侍真人捧詔來九鎖峯巒隨地  
轉五雲樓觀自天開洞攢幽石成華蓋香浥丹泉勝

宜晚堂呈郎一山

心自空清境自真夕陽林下著閒身山中一段煙霞  
晚物外三生造化春大厦規模元內景小冠風采是  
高人扁舟且莫夷陵去我欲溪頭一問津

陪秋山相公游洞天一庵夜宿感夢

松窻鄭斗煥

天柱清游尾使星筇輿軋軋入山深龍行雨去泉花  
定鶴叫雲來木葉陰松石已安通夕寐江湖空老百  
年心圓冠方袂何仙子夢裏將詩索共吟

濟民陳 思濟

望西南之柱插天翠一峯寒儘泄霧噴雲撐霆柱月  
氣壓羣山神仙舊家洞府但金堂玉室畫中看苔壁  
空畱陳迹碧桃何處驂鸞 兵餘城郭半凋殘製錦  
古來難喜村落風煙桑麻雨露依舊平安興亡視今  
猶昔問漁樵何處笑談閒斜倚西風無語夕陽煙樹  
空閒

右與宣慰趙中順謙獄浙西之餘杭相過洞霄故  
宮因作樂府木蘭花慢以道吾懷至元十七年秋

七月廿二日秋崗陳思濟為吳清虛周清溪題於

琳宇之一庵

西湖子趙 若秀和

看洞天福地秋氣爽溼衣寒對九鎖峯 高擎天一柱  
壯觀杭山巖前舊道仙跡幻雲根直作畫圖看多少  
喬松古木真如舞鳳飛鸞 西風匹馬夕陽殘行路  
肯辭難便乘此清游欲尋仙去心與身安班超侯封  
萬里笑虛名半落滿人閒試問潺潺流水無心爭似  
雲閒

會稽中山劉元和

問神仙何處尋溪路水聲寒此福地靈巖西南天柱  
洞府名山翠蛟對誰或舞更巖飛龍鳳駭人看見說  
丹成仙去當年跨鶴乘鸞浮生貪勝似基殘一著  
省時難便採藥眠雲吟風對月醉酒長安一任流行  
坎止又何須汨汨利名閒試與林泉相約幾時容我  
投閒

又七言

九曲山中鎖翠微登山不記入山時屋藏盤谷澗聲

遠鶴舞松庭晝影遲萬里功名南北客幾人新舊廢  
興詩劉郎若問神仙路天柱天台天下奇

至元辛巳秋同上黨党公敦甫來游

平水李德基

海中人謾說蓬瀛試向杭之大滌行雨漱洞泉蒼石  
古日升丹井赤霞明雲開仙府留遺跡壁上坡詩振  
舊聲九鎖不關塵世斷明朝俗慮又還生

翠蛟亭

天峯深處老龍蟠噴出狂瀾捲雪寒寄語塵中名利

洞霄詩集卷九  
客暫來亭上倚闌干

次韻秋崗陳同知木蘭花慢

訪仙家洞府仰天柱徹高寒對百尺飛湍四圍喬木  
九鎖青山危亭晚來極目勝王維三昧畫中看何處  
朝元會宴時聞命駕迴鸞桃花臨水已凋殘別後  
見應難歎昨日秦宮今朝漢苑一夢槐安征鞍欲留  
無計恐仙基一局換人間羨殺知還倦鳥白雲相對  
空閒

至元辛卯仲冬上休日游洞霄

冷泉寇 元德

幾經流水小橫橋一逕縈紆到洞霄游客固慙非李  
杜道人豈不是松喬雲煙惟擬棲巖壑聲利何須競  
市朝更向山間問猿鶴莫嫌俗駕不相招

冲天觀

世塵千丈困儒冠忽到琳宮眼界寬雲掃芙蓉森絳  
闕露零沆瀣瑩金盤煙霞有路誰清脫富貴何人不  
熱謾從此須尋玉簫伴碧桃花外共驂鸞

艮齋侯 充中

一溪雪浪漱雲根三月河聲下禹門塵世竟難留歲  
月洞天元不記朝昏峯巒隱約知山遠宮殿崔嵬見  
道尊夜久不愁寒氣盛地爐存火發春溫

呈周清溪

蕉池道士雪巘褚

伯秀

清溪千仞餘中有一道士彼亦何人斯景純慕若此  
吾鄉汝南英大滌隱君子好客仍收書東老未足擬  
竹宮需賢才師命促共理無心雲出岫有類月印水  
樂與物爲春自然人鑑止二千年再來雅號乃默契  
挈世返眞淳爲教立儀軌潛增翠蛟潤益壯天柱勢

近聞築元都崇崗枕龍耳充庭蘭玉茂五雲樓閣起  
笙鶴時往來塵寰一俯視紛爭夢未醒王侯到螻蟻  
君壯我垂老別日嗟激矢相逢且盡歡昇仙不如醉

送金約山歸洞霄

門掩冷雲堆推敲更有誰不忘分芋約來趁折梅期  
聽雪連宵話傷時幾首詩侵晨催返棹猿鶴報先知

壬午孟春游洞天

龍虎李立本

青山九鎖杳難登飽讀坡詩熟舊名谷鳥喚晴千嶂  
曉巖泉漱雨四時清雲根石老世方換天柱峯高月



正明嵐翠春風瑤草澗直尋許郭問長生

己丑再游九鎖山呈介石

古杭山村仇遠

瓊館幽深路屈盤千年香火未灰寒園荒久已無靈  
藥蕩化何緣得大丹三尺草封潘闥墓一方雲護許  
仙壇唐人多有舊題字自把松明入洞看  
溪風吹雨掃寒陰盡見青山面目真古石老松應識  
我聞花幽鳥自娛人丹泉有木偏宜酒蒼壁無苔不  
受塵昨日少年今老大笑看霜葉莫矜春

谷口亭看山

松下得古洞危亭當洞門羣峯翠曉冉俯視如兒孫  
神仙坐能待星斗近可捫對面雙徑山屹立何其尊  
來賢巖書所見

林深葉滑路乾遲草子青紅上客衣貪看宜霜亭下  
石不知山後白雲歸

雲根石

西秦張稹

何處一片雲飛向巖前住從龍已無心天風吹不去  
大滌洞天

玉室金堂在翠微祥光縹緲覆巖扉仙人自古何曾  
死神鼠如今不見飛洞隱天文無鬼入井通海脈有  
龍歸隔凡石上風吹急幾片白雲黏我衣

大滌洞

秋巖史 槐

乘閒扣洞府清氣襲吟身泉溜石皆乳雲深境不塵  
蒼龍潛古井白鼠遊游人玉室金堂窈空勞夢想頻

棲真洞

扶筇討幽勝梯逕費躋攀洞壓孤峯上山分兩縣閒  
石枰碁子白寶蓋薜紋斑丹就空餘竈野雲相對閒

仙人隱跡

游仙一去幾春秋珍重巖阿跡尙畱豎硬春梁支怪  
石具全體相照清流蒼苔不著光常潤古桂難尋香  
自浮霞佩悠悠何處覓夢隨孤鶴遶瀛洲

丹泉

照徹凡心水一泓我來不敢濯塵纓千年永老神龍  
護半夜光流野鶴驚林蕤釀成霞激灑茗甌泛起雪  
輕盈懸知清換詩人骨試掬漣漪句已成

來賢巖

巨靈幻奇觀坡老此徜徉作者七人共高名千古香  
地曾經劫火高尙扁宜霜矯首還三咏思齊念豈忘

搗藥禽

至微惟羽族爾性獨含靈形似無人識山空徹夜鳴  
韻清丹轉鼎夢破月當庭爲寄青鸞語何年藥可成

無骨窮

漸染靈丹種自殊輕揉舞翠骨全無微而草木猶仙  
蛻羞殺人閒肉眼夫

游洞霄

柏憲鄭淮

一回路轉山一鎖洞聲潺湲右復左西巖黯淡擁雲  
根下有仙人曾此坐層巒秋樹知幾年丹楓翠柏高  
插天琳宮百畝平如掌清飈灑氣開晴煙小憩初行  
棲真洞翠蛟亭外寒流湧回筇取徑探丹泉洗我寸  
年塵土夢二三君子擅詩琴空谷緜緜聞足音城中  
問我山游事已到白雲深處深

廬陵道士陳據梧

吟老西湖處士梅又攜雲笠洞天來樓臺復此山中  
勝松檜多因火後栽丹井一泓堪自酌青山九鎖爲

誰開欹筇讀罷坡仙句著意尋詩首重回

赤松道士趙守一

九鎖名山古洞天翠蛟飛舞只依然思陵釐殿塵雖  
暗坡老詩篇墨尙鮮從此羽衣多勝士至今道脈得  
親傳桃源有路無人識更遣漁翁繫釣船

洞霄詩集卷第九

洞霄詩集卷第十

國朝名公

東平馬紹

元貞丙申九月十五日東平馬子卿謁洞霄  
宮題詩錄謝郎一山及舒桂林偕行濟南張  
可與大名欽伯祥汴梁楊威卿高祐之

雨晴秋氣清復清肩輿畫出游山行山中泉石解相  
愛磨洗老眼十倍明琳宮恍若蓬萊島道士疑有安  
期生洞天丹井見古跡棲真瀑布非空名天風吹來

滄陽詩集卷十  
巖谷馨天風吹去雲無聲我生自有山人相賓友宿  
皆仙府卿心融意釋不可說何者爲物何爲情明宵  
歸去足夢寐不須更覓芙蓉城

一山桂林諸公相別餘杭復作詩以還之

宿霧層雲迤邐開茂林脩竹絕塵埃政憐白日辭山  
去卻愛黃雲看稻回游客入城終嬾慢道人還隱亦  
徘徊佳期後會雖難約九鎖山閒必再來

濟南可與張斯立

同伯祥理問威卿郎中祐之都司從右丞相

公游洞霄歸途得鄙語呈一山桂林

松竹陰陰石徑斜小橋流水傍山家本因省斂觀風  
教不爲偷閒賞物華偶向洞霄尋勝境恍如瀛海泛  
仙槎肩輿莫道歸來速明日城中趁早衙

旬休從性齋右丞相公游洞霄

天柱峯前曲徑回琳宮突出勢崔嵬四圍石壁層雲  
宿九鎖山門一水開行處乍疑蓬島去到時方悟洞  
霄來黃塵我亦學仙者野鶴山猿莫亂猜

滄陽德昌馬照

大德二載歲在戊戌四月十五日陪龍川大  
參政行香洞霄宮

九鎖天門萬古開琳宮深掩翠雲堆飛泉激石風生  
座神龕雷丹月滿臺世上有仙居福地胸中何水滌  
凡埃俗緣未盡無由住剛逐龍川一宿回

游洞霄奉曹若虛一粲 西臯趙 文昌

風袂飄飄渺上征亂山蒼翠接空明天門元自無肩  
鏘羽客何嘗有送迎流水出巖龍已蛻朝陽入洞鳳  
初鳴從今便赴林泉約已被塵纓誤半生

到餘杭錄寄山中諸道友

山轎歸來酒半醒松陰十里月崩鬢回頭卻望經行  
處詩在煙雲第幾層

月露天風溼繡衣出山猶誦洞仙詩明朝便上邯鄲  
道重到丹泉是幾時

游大滌癸未六月 龍虎秋巖陳 義高

神仙賜飲丹泉香晝引入洞藜燈光青童歡呼猿鶴  
舞擊石奏樂鳴琳琅大哉洞天有真境滌我胸次冰  
雪涼擬來學仙暫駐此因念親老思還鄉

翠蛟亭

流泉翠蛟舞神化遇坡翁得雨力轉健挾風聲更雄  
香涎吹石沫飛勢下雲空要識池中物能施潤澤功  
至元己丑再游

九鎖山圍紫翠堆日光霞彩照樓臺洞藏吠犬守丹  
竈泉挾飛蛟吼晝雷峯頂樹高多寄草洞中石怪不  
沾苔雲璈疊奏胎禽舞前度吟仙喜再來

呈郎一山舒桂林

仙家日月能久長嘯咏金闕歌天章嵯峨一山倚天

勢桂林萬古吹秋香丹泉泠泠漱夜月傑閣聳聳明  
朝陽巖翁醉後星斗煥掀髯一任飛寒霜主人進酒  
添我興泰宇光明一心定當初稅駕吾不知卻見主  
人大明鏡

一庵題罷經于年我不得見真無緣丹泉泠泠漱玉  
澗琪樹挺挺含春煙翠蛟舞泉勢衝石白鶴振雪聲  
聞天我游空洞脫塵語玉皇頷首誇詩仙

過洞霄宮

縣尹張楷

路入煙霞幾折盤恍然回首出塵寰千年漢帝神仙

府一帶錢王錦繡山洞府暗通青漢表峯巒深鎖白  
雲間何時跳出風波海來趁蓬壺日月閒

送徐閣二廉訪游洞霄 梅山顧逢

洞天三十六大滌景猶希樓閣仙人宅雲霞羽士衣  
風號松虎嘯雨卷瀑龍飛搗藥靈禽在時聞出翠微

游洞霄

徑山僧習

凌霄洞霄片雲隔我獨穿雲探仙宅九鎖青山鎮日  
開一帶寒流飛雪白蒼茫未覩壺中寬詰曲初疑山  
口窄琳宮揜日紫霞飄珠樹擎空華霧碧翠石

起浪痕丹泉瀕瀕流瓊液險躋天柱掛羅浮暗想華  
陽通大滌摩挲蒼蘚憩雲根不見仙人見仙跡明月  
秋風歸去來水冷雲寒夢相憶

又和陳秋巖韻

詩材不似江漢長與世鉤棘成篇章夜深吟罷月照  
席萬籟不動聞清香突空天柱倚日月透地石洞分  
陰陽珠蘂曉滴天宇淨玉階瑤草凝秋霜巖翁醉後  
發詩興滿壁龍蛇飛不定得來見詩卽見人何必相  
逢照心鏡



游洞霄

千瀨僧 善慶

大滌之勝甲西浙九鎖山高巨寥次神剡鬼刻發祕  
藏鳳翥龍翔自盤折樓臺縹緲出層霄我疑卽是寥  
陽闕雲根石爛紫煙濃洞中酒熟丹泉冽碧桃花發  
石壇春步虛道士頭如雪紛紛塵世知幾何誰解搆  
筇訪幽絕玉堂去後招不來巖畔蒼苔自明月

九鎖山十詠

新定汲古胡 倚

洞府雲深夏亦秋殷空天鼓動潛訝蒼崖護隔紅塵  
路幾向金堂寄夢游 大滌洞

寶蓋擎空雨不知乳泉滴滴是靈芝一杯黑白嵐陰

重誰見仙火落子時 棲真洞

鳳離丹穴尙高崗何事悲歌學楚狂石上桐花春不  
老一鳴知汝待朝陽 鳴鳳洞

石戶鱗皴蛻迹存苔荒巖穴幾朝昏不知何處爲霖

雨卻帶歸雲挂別村 蛻龍洞

巖前車馬日憧憧誰看攢雲小朵峯玉局已仙遺迹  
在秋霜又老木芙蓉 來賢巖宜霜亭

蒼崖剛不受秦鞭印石靈蹤尙儼然誰遣兒童空入

海此山元自有神仙 仙迹巖

古色涵秋俯碧濤未隨蒼狗變春陰屹然如抱幽人  
操垂老終無出岫心 雲根石

幽壑奔流落半空蜿蜒幾折映青松亭陰醉墨同飛  
舞尚憶詞源舊老龍 翠蛟亭

翠琢層崖玉有聲潮雲高湧出方瀛玲瓏疑自通仙  
境可待乘風訪五城 石壁

一勺中涵海島雲仙家元不限游塵流霞分得靈丹  
潤釀作山房無盡春 丹泉

送西秦張仲實游大滌洞天詩二十八首

三山林 訪

此時仙輿發九鎖訪名峯玉洞晝飛鼠石池春浴龍  
異人花外見道士酒邊逢余欲采芳茗白雲何所從

山陰王 濟

郭文登覽地九鎖隔紅塵陳迹自千古勝游能幾人  
丹泉雲護曉碧澗草藏春何日攜琴去煙霞共結鄰

山陰吳 曠

大滌名山有夙緣春風茗水漾輕船但尋紺箬藏丹

處莫問青松化石年  
搗藥禽啼雨後山  
千巖萬谷鎖蒼寒  
一溪春水高三尺  
書畫船中更好看

鄱陽洪 師中

九曲青山一曲溪  
仙人住處自春遲  
筍輿切莫匆匆返  
要足春行卷裏詩

花滿丹泉草滿壇  
洞門春靚隔晴嵐  
共誰風雨窻前晝  
卻話西湖三月三

石泉陳 叔弼

九鎖誰能到君尋  
巖谷游瘦藤穿福地  
仙袂拂浮丘  
泉冽丹宜釀蛟騰  
翠欲流山靈倘招隱  
華表夢圓不積慶山人余 應桂

山林有真趣得趣即神仙  
好趁莫春月來游大滌天  
晴嵐融玉室花氣襲丹泉  
此地通懸雷清吟過叔元

齊人周 密

玉室金堂積翠邊  
舊游猶記劫灰前  
禽聲夜搗千年藥  
花片春浮九鎖泉  
洞府暗通滄海路  
樓居何異化

成仙茶香筍美松醪熟正好山中過禁煙

錢塘仇遠

天柱峯高鎖翠微瘦筇蒼蘚舊相知雲埋樹腳藏深  
洞竹引泉聲過別池仙去豈無遺跡在君游卻恨十  
年遲松花酒熟須拚醉多看青山剩賦詩

錢塘道士孫晉

清氣滿肺腑名山思一游祇今大滌洞不出古杭州  
採藥過峯頂看雲坐石頭若逢塵外路便作隱居謀

巴西道士鄧道樞

癡待封畱始肯休何如蚤辦赤松游靈

到要學金華叱石不

花滿餘杭逢酒姥茶香大滌染吟衣祝

客一入桃源便不歸

竹所道士俞君玉

九山深處採元芝一笑人閒事已非花落石臺驚鶴  
夢雨昏巖洞護龍歸閒題蒼壁雲黏筆醉弄清泉翠  
溼衣天柱峯前休隱去西湖自有舊苔磯

錢塘吳輔

聞君游玉洞誰乞佩霞飛雲霧開幽逕林泉得好詩  
翠流蛟欲舞丹熟鶴初歸定見羣仙會瓊簫月下吹

三山連 文鳳

西秦有佳士吟向九峯行猿鶴自相語林泉又一清  
松風仙路轉花雨石牀平祇恐棲真客邀君結隱盟

潛山僧 文珣

洞天外人境九鎖煙雲重仙聖棲其閒君去應相逢  
定知歸來日妙思蟠心胸所持古筇竹亦當化為龍  
尙期重攜手細細談靈蹤

此山僧 道存

白道移斑杖清溪泛小舟題詩羣玉府飲酒列仙樓  
桃熟應須見丹成或可求歸來換凡骨不欲取封侯

游洞霄

吳中僧 行魁

青石吐元英絕憐仙路縈游人日午到點火洞中行  
古木秋天影清空夜露聲長生未曾學可愧學無生

徑山僧 常

九鎖迴環路屈盤洞中境界廓然寬仙翁愛客酌新  
酒明月邀人登古壇煙白瓦爐朝讀易火紅藥竈夜

燒丹壁閒喜有孤琴在好慰飄零爲一彈

徑山僧 志沖

火雲收盡秋雨餘尋仙不憚山崎嶇名山九鎖冠天下我來一見心眼舒一峯天柱拔地軸棲真大滌通天衢崔嵬棲觀紫霞畔朝昏鐘磬凌清虛仙翁白髮年幾何容顏箇箇如琳珂松根石上圍碁局不知爛卻樵人柯余學長生欲煉丹何事無心解禪悟吟興徘徊不忍歸但見空中走烏兔

洞霄詩集卷第十

洞霄詩集卷第十一

國朝名公

游洞霄

三十八代天師真人張 與材

奇石玲瓏古洞天蒼雲九鎖翠蛟泉仙翁白髮顏如鐵自說居山八十年

虛室無塵結篆香雷驅急雨送新涼山中詩卷如仙譜此是吾家第四章

拜和教主天師真人畱題韻

住山介石沈 多福

柱峯高古出雲天石澗流丹響瀑泉漢武壇荒松桂  
老真風重紀聖元年

暮鼓晨鐘一瓣香羽衣行道洞天涼欣逢述祖分明  
日泉石增輝拜玉章

從教主天師真人游洞霄山中作詩紀行書

留介石提點方丈

松瀑黃 石翁

何年錢塘龍銅爪擘山骨乘雲上天去留此古石室  
脩鱗自蜿蜒嵌洞尙屈折相攜秉燭游不怕石頭滑

側睨陰崖閒白乳方流出緣薄不敢飲他年待玉烈  
出山迎飛雨穉柏翠可悅小倚赤欄干丹泉正清澈  
老仙導我前門外俯冷冽忽開瞿塘峽滾下天門雪  
頃刻大雷雨朱火照霹靂安知非此龍變化在超忽  
誰擬作翠蛟醉眼眩朱碧持此問坡翁相看一笑失

游洞霄

武林道士磐隱王 福緣

古洞鎖煙霞虛皇太上家九關無虎豹大澤有龍蛇  
地上餘杭酒雨前天柱茶滿山青箬葉何處問丹砂

洞霄宮

京口義山郭 景星

鴻濛嵐霧溼人衣一逕迢迢入翠微  
空洞雲歸丹鳳去奔泉雷吼玉龍飛  
山深更覺樓臺聳地潤偏宜草木肥  
境界清涼當六月不知人世有炎威

清隱齋環秀樓

地位清高眼界明周迴山色入簷青  
四時風月開詩境萬壑雲煙簇畫屏  
寶篆香從簾外散素弦琴向酒邊聽  
此行觸處皆奇觀俗駕無緣得久停

大滌洞

天柱一峯衆山尊秀氣結爲青瑤現  
神剗鬼刻積萬劫劃然巖下開一門  
門前有石更奇偉擊之清聲隨手起  
我來秉炬洞中游仰視石屋平如砥  
陰森逼人肌骨寒壁上元乳滴未乾行  
行路轉不可往若有虎豹當其關  
出門日射西山裏杉風蕭蕭吹客耳  
籃輿少憩清音亭一杯滿酌丹泉水

棲真洞

昨日肩輿游大滌山路坡陀閒平直  
今朝乘騎棲真行草合高崗不容陟  
躋攀寸步未易到忽見飛簷出青壁  
谷口亭中姑少憩小酌山醪紆足力  
神仙窟宅



今在眼洞門軒做無局鏞亭亭寶蓋懸當中凝乳空  
明珠的皦東臺石閣真奇觀老龍出入雷痕迹西臺  
之頂高且平一局碁殘未收拾神靈變化不可詰自  
有乾坤有此石三華寶衣誰能致寒襲練袍難久立  
惜無鐵筆記曾游一笑重來定何日

游九鎖山

中川陳 觀國

名山隔游塵九鎖塵更少閒雲抱蒼石古澗茁靈草  
一亭瞰蛟舞會此憩坡老水性自云靜猶洩寄人巧  
聊復助奇觀未須縱瀾倒小挹丹泉潤側步石壁峭

洞深篝火入志險極幽討人間幾何年仙迹碁未了  
向夕山月吐光碎松下道天空瓊館寒禽響藥如搗

建溪僧 自如

巍巍峩峩天柱峯地靈人傑神秀鍾羊腸百折路杳  
香龍蟠九鎖山重重巉巖古洞深且險勢與海眼潛  
相通崖奇石怪巧穿鑿變態倏忽難形容瓊脂的皦  
粲星斗雲骨破碎墮玲瓏或如殘碁散楸局或若飛  
蓋旋虛空或森如劍氣凜凜或擊如鼓聲皦皦飛沖  
或若走麟鳳躋攀恍覺登虬龍迺知造物亦戲劇作

此勝槩藏巖叢洞門無鎖白日黑山精木怪俱潛踪  
我來盤桓扣靈跡搜剝衆妙窺神功出門一笑天地  
闊千巖萬壑鳴松風

重游

溪路尋幽訪老仙屐聲未得遇林泉滿山風雨重陽  
日半壁煙霞欲暮天何處深雲聞鶴唳此時古井對  
龍眠夜宿一庵館  
前有龍井客中難遏登高興辜負黃花又一  
年

和陳秋巖韻

疊疊雲山翠浪堆一峯天柱屹崔嵬洞前野鶴鳴山  
月亭下飛蛟漱壑雷仙跡隱身猶印石劫灰過眼幾  
飛埃桂林襲襲秋香滿時有天風雲外來

舊游未足偕空遠石壁二上人復理杖屨

昔年登紫府山暝雨廉纖已去高情在重來逸興添  
秋清猿應谷晝永鶴窺簾五色煙霞外相逢語笑兼

九鎖山十詠

山陰王 易簡

蕭麗殊庭西玉室青屏顏華陽隱邃道元蓋浮塵寰  
沈沈天鼓鳴爛爛巖屋斑誰懸隔凡石此已非人間

羣仙本容物爲我開重關大滌洞

風煙谷口亭巖穴神仙宅逕回闕天光雲溼滴乳液  
寶蓋遙當空篝火忽竒迹不見茹芝人殘枰棄黑白  
躋攀幸有逢筋力何足惜棲真洞

鳳兮爾何來翩翩鳴高崗山風度玉簫竹實豐餽糧  
至今嶙峋石如作毛羽祥深溪阻造極懸磴聊褰裳  
踟躕不忍下樹杪青天長鳳洞

晴缸步清空洞戶撫截辟何年出水龍張口見齒舌  
相傳此得名靈骨蛻如雪豈其風霆化詰曲餘故穴

想當夜半歸九鎖一時掣龍洞

絕壁中嵌空秀石下插地緬懷玉局仙於此冠蓋萃  
雲泉儼昨游卉水遺古意青山日迎客何者傳姓字  
斯人千載名攬勝乃餘事來賢巖

古來得道人一往無畱蹤胡爲戀幽絕努力抗祖龍  
冠簪宛如刻薜蔓不敢封形化影未滅石堅誠可通  
靈仙去已遙聊爾驚凡庸仙跡巖

行雲倏變滅本作須臾期山靈護清氣英英幻真姿  
舊雨洗猶在高風吹不移觸石有動意出岫無還時

扶桑如可薪鍊此白玉芝

雲根石

嵐陰四圍合澗水數折流試手翻碧海捲雨來青虬  
靜躁爲人役蓄池同神謀長歌亭上詩飛仙不可留  
倚欄天風寒問信騎鯨游

翠蛟亭

天吳泣海枯化石空山中陵谷歷千變倒倚蓬萊風  
鐵壁立峭絕縠波漾玲瓏前巖寄游屨大巧藏神功  
素屏三十丈畫手誰與同

石壁

泠泠珮行空湛湛鏡無滓至潔漱巖骨餘潤蒸石髓  
山上眞人居鼎竈長不毀猶聞洗藥香漸作落花水

臨流且勿嘗清音濯幽耳

丹泉

來賢巖亭

錢塘庸軒陳 正夫

路入青林逸興長鬢華山色其蒼蒼秋陰隔雨孤巖  
冷曉氣侵亭萬木香翠舞蛟龍朝洞府聲聞雞犬近  
仙房先賢一去來何晚徙倚闌干待夕陽

飛玉亭

石崖千尺古苔封一線銀河墜碧空雷起潛蛟噴海  
藏樹飛羣蝶舞山風仙源迴出丹泉外清韻同歸九  
鎖中見說人間多旱虐願餘涓滴釀年豐

清隱齋環秀樓

天風闌檻倚虛明  
簷外峯巒匝畫屏  
晴日暝煙呈紫翠  
春雲秋樹寫丹青  
瓊簫弄月飛鸞下  
藥笈翻空舞鶴停  
中有玉人元不老  
一函星斗浸青萍

洞霄詩集卷第十一

洞霄詩集卷第十二

國朝名公

游洞霄宮

息齋高翥

大滌山高九月秋  
崢嶸樓閣壓南州  
地連江浙人多秀  
路隔塵凡景自幽  
紅葉未霜先變色  
清溪無雨亦長流  
仙家愛客情何厚  
適意題詩記此游

雲溪王遇

紫微宮殿鄙三山  
雲路崎嶇隘九關  
桂子秋香浮月底  
桃花春水到人間  
瑤臺有宴鸞聲近  
絳闕無書鶴

背閒為向洞中仙客道好陳丹訣悅天顏

丁酉秋季偕廉理問端甫王井西來游

燕山高 克恭

清曉出山來山前宿霧開石田分細水竹逕合蒼苔  
畫譜畱詩卷歌聲送酒杯雲林多勝槩欲去更徘徊

又題山素齋

白頭方外人結廬方外住開門見南山青青無數樹

如圃梁 曾

三年汨沒簿書塵九鎖青山入夢頻五色祥雲長護

日十圍枯木復回春蛟泉舞翠詩無敵鳥穴藏丹箬

有神石室謾嗟終不遇祇應俗眼識仙人昔有道人  
居石室洞

凡三遇仙人而  
皆不悟因及之

鮮于 樞

行穿空翠轉山根漸見飛流出石門夾路松杉列旌  
纛倚天青壁琢瑤琨洞中日月人難老天上星辰手  
可捫釀取丹泉一千斛不妨來此盡餘樽

姚江徐 良杞

泉石縈紆路不分風吹嵐翠溼烏巾千峯雲氣山中

湘雲詩集卷十二  
雨一樹桃花洞口春老鶴無言還自舞故人有約定  
相親丹泉痛飲何辭醉安得洗空衣上塵

畱別牧心鄧先生

岡巒縈九鎖崖斷若無路澗底松聲長石上苔色古  
深山早霧積慘淡日未吐一逕入數里翠滑不置屨  
五洞環大滌諸峯拱天柱鄧公我故人結屋峯南住  
相見悲歲月連牀聽風雨燈前一樽酒欲盡平生語  
明朝恣登覽清事不一數窮幽力未倦回首天已暮  
東望思故鄉翩然下山去

九鎖山口

月麓趙汝昌

一重山鎖一重山九鎖如同虎豹關祇恐煙霞關不  
住暗隨流水落人閒

翠蛟亭

一聞纔開吼百雷倒流三峽下雲隈坡仙要比詞源  
壯剛道長蛟舞翠來

來賢巖

坡仙游此七人行中有黃冠失姓名九鎖山容只如  
故豈無一老似彌明

又題翠蛟亭

金堂玉室在何處九鎖青山隔塵霧  
澗水百折響松風陰崖噴薄來天柱  
跨澗疊石橫幽亭奇花異草蒼玉青  
石紋如波自起伏或作劍戟羅巖扃  
三池啓闢水忽立傾山倒岳風雷急  
翠蛟化作玉龍飛晴空落雨天應泣  
我疑禹門三級高又疑三峽翻怒濤  
冰簾瀑布恍在目銀河倒落剛風號  
霰飛雪袞海眼湧目眩幻花山欲動  
虛空撒下萬驪珠冷光逼我毛髮竦  
思陵臨幸知何年眷此泉石頌緡錢  
餘杭山水固可

樂五嶽更有名山川東坡來渡南渡  
前此時安石方專權思陵老鑒安石去  
秦檜水閣當轉爲凌煙穆王八駿萬里  
外秦皇漢武荒其志我聞堯舜尙無爲  
元默垂衣天下治觀山翫水屬幽人只  
許幽人游福地七賢一去杳無蹤空有  
山光鎖蒼翠

九鎖山十詠

濟南呂 同老

大滌洞

巍巍元蓋天巖穴闕仙宅別戶穿虛  
明層輝蕩空碧神鼓振玉音丹崖落瓊  
液深通潛龍井外障隔凡石



緬懷元同翁於焉此棲息華陽與林屋隧道從所適  
我來茲山中偶值肥遁跡靈草未易逢翩翩飛鼠白

棲真洞

殊庭天柱西微逕羅荆榛驅車谷口亭清氣已迫人  
元鎖爲我開靈關豈無津棋枰儼遺局乳蓋垂空輪  
側聞千載前住此多隱淪冥翳不可識抱朴終成真  
仙凡自有分喧寂難竝陳歎息取歸路吾猶溼露塵

鳴鳳洞

連峯露壠堦幽洞摩蒼穹石門松蘿隘僂僂趨兒童  
泠泠太古泉環珮聲丁東相傳吳越年威鳳翔其中  
後來山中人盛事誇無窮我疑王者瑞豈預霸業雄  
元化有淪忽世道多汙隆何時鳴朝陽遙問山上桐

蛻龍洞

蒼山下孱顏中有神龍棲神龍眇何許一水涵清溪  
深藏巖壑古迴破風煙低當其未蛻時幽隱漫塵泥  
既蛻頭角成霄漢參雲霓回顧昔所蟠陳迹亦已迷  
況我後來人危磴重攀躋四顧但絕壁叢篠風淒淒

來賢巖

江寧詩集卷之二  
昔賢所游地道路行逶迤中分山腰半倒插石腳危  
公生元祐時名與日月垂至今草木閒英氣光離離  
我行得遺迹醜酒興遐思天風豁然至吹落瓊瑤辭  
不惜古人遠但嗟我生遲安得五雲表一假黃鶴騎

仙跡巖

嬴秦亂天綱猛志凌海水長驅萬山石鞭策無遠邇  
餘威及茲地夜半走百鬼仙人惜靈宮一怒俱披靡  
巉然斷崖上遺迹俯清泚溪聲助叱咤野蘚避冠履  
茲事三千年孰決非與是摩挲蒼玉紋俛仰求至理

翠蛟亭

洄洑古澗深蜿蜒層湍壯長年蓄飛泉一決起豪宕  
高有百尺松蒼鬱蔽青障下有苕與萍翠色映空曠  
恍如千丈虬窮壑潛異狀忽乘風雲會奮迅九天上  
尙想玉堂仙妙思發雄放醉持白芙蓉乘流動清唱

丹泉

鳳沸檻外泉遠出天柱陽清音映空谷潛波渙寒塘  
昔人養靈芝長年此山芴金骨換玉髓素虬朝紫皇  
尙餘浴丹地神光透扶桑蓬萊幾揚塵茲泉日泱泱

我願滌世紛朗詠三元章手持北斗杓下酌流霞漿

石壁

清飈吹衣裳縹緲凌層巔玲瓏峭壁下杖策窮迴旋  
名圖謝模寫大巧無雕鐫宥如晴雲影靄靄行青天  
飄如水風會微瀾起平川石崖前蔽虧勝事惜未全  
吾將運真宰疏鑿成坦然結茅此山阿長吟伴飛仙

雲根石

吾聞泰山雲觸石無不至如何茲山中有石象雲氣  
仙人事狡獪幻化翻手易鱗鱗作蒼蔚冉冉湧蒼翠

清分澗水流幽映林木邃已逃蒼狗變長見玉芝瑞

孚舟張 時舉

錢唐稽百里塵市隔仙洞迢迢到九鎖了了醒昨夢  
松行引笙簫乖崖扁龍鳳道人邁天資真才等梁棟  
天柱聳空翠紀巘勢相貢丹泉瀉雲竇迸漿侑清供  
大滌快幽尋棲真頓飛鞚梯山上真境冰胸乳石渾  
俯仰躡芒屨蘚石猶可縱袖手拂行雲石角綻彌縫  
石室架山阿矮矮開牖甕闕絕樂餘閒游目時一送  
蒼蒼際雲海浩蕩不可控山村隔煙塢星散列岐雍

洞霄詩集卷第十二  
渴心名利鄉頓息周魯闕山深林麓古得以安蠢動  
風掃竹雲清開我千劫霑他年一茅屋甘隱百無用  
孚舟教授游洞霄還依韻答贈

劉源戴 表元

是身無根株如雲寄空洞昔去不爲真今歸亦非夢  
張郎好家世楚楚丹穴鳳憶昨象山居披榛插隆棟  
傳經幾侯芭築室多子貢令祖眼最青傾家給糧供  
至今祠塾下行者駐鞍鞢屬歲厭魚羹長途飽羶渾  
深藏勢當溲滿氣思一縱胡爲慕仙真透曲窮罅縫

論詩似翻瓢值我方抱甕初駭疲攀緣還驚老賓送  
逡巡海市發閃鑠天鶴控眩博乃問郊稽奇幾錄雍  
君家豈減此羨寂翻得闕所以坐忘翁百怵心未動  
江花弄秋暉海雨清曉霽邂逅冀一驩匏樽有時用

洞霄詩集卷第十二

洞霄詩集卷第十三

國朝名公

奉寄沈公介石老仙 陵陽叟牟 嘯

不貪富貴即神仙  
茗椀香爐古易編  
誰向急流能勇退  
方知介石是幾先  
三危露下聞清唳  
九鎖山中斷俗緣  
喜有詩人相共住  
何時一笑醉丹泉

賦洞霄宮隱居十年後 本山葉 林

瓊館高居勢復完  
煙重翠疊幾峯巒  
山從舞鳳由來遠  
洞隔投龍欲去難  
處處有泉那用汲  
巖巖維石宛

如磐品題今古知多少閒把唐僧五字看

石室洞

低垂石室洞杖屨易躋攀有路穿雲窟無門對月關  
誰騎仙鹿去我笑國蝸跼若使今猶昨清宵聞珮環

又登石室二首

遠游貞白二仙家今日追尋路不賒七十二叢秋色  
裏有人曾約去看花

石徑春深疊古苔洞天無鑰為誰開白雲本是無心  
物風趁松花作雨來

呈佳山介石

造物有青眼名山無赧容聲名動猿鶴道法伏菟龍  
望氣從關尹瞻雲自華封懸知仙隱地可以不迎逢

九鎖山十詠

石室牧心鄧牧

陰陰大滌洞古色閱積鐵誰橫一石礙坐與三鳥絕  
元同我先去不見肝肺熱

大滌洞

何年采真游遺此棲遁跡流泉金石奏伏鼠霜雪色  
浮世幾興亡殘碁耿苔石

棲真洞

老龍山中居出山作霖雨風雲幾聚散田野正辛苦

神仙地位高使爾司下土龍洞

鳳來青天開鳳去蒼石裂元風不復返世事日消歇  
永懷接輿歌勿蹈東魯轍鳳洞

至人猶神龍變化不可測隆然七尺軀印此一片石  
我行半江海空飛杳無跡仙人隱跡

浮雲無定姿滅沒須臾閒一朝化頑石千古遺空山  
天地亦幻物誰能詰其端雲根石

寒礪豈成蛟流泉亦非翠色緣映帶得意出飛舞外  
雖無風霆化自與江海會翠蛟亭

石巖千尺高曾見坡仙來坡仙化黃土巖石空蒼苔  
縣知今人游復令後人哀來賢巖

仙翁鍊丹去流水作丹色紫盤出九鎖川后不敢惜  
豈無得道者一飲凌八極丹泉

空山遺天壇之人在天闕風雷長爲護草樹不敢苗  
何當追遐蹤一笑俯明月天壇

游九鎖山十三韻呈介石老仙

天台霽峯李洧孫

天目下視開清都元關削玉金銅鋪一重一掩誰管

鑰雲松九疊門大夫初疑晻靄忽軒豁身似跳入壺  
公壺羣峯翔舞煙霧斂境界自與閭浮殊左招紫鳳  
使翼衛右撫蒼龍爲先驅金榜高題射朝日浮丘邀  
我觀誌圖陰崖潛通華陽黑靈泉遠瀉勾漏朱紅欄  
石罨蓄甘澍翠標天柱擯坤隅借問郭許今何如想  
與十極高真俱塵世蟲沙日方化勿言白雲堪自娛  
欲往愬之路渺隔憑託飛廉道區區願將箬下出濟  
世要使億萬蒼生蘇

翠蛟亭

誰泐銀河注煙隴驅出老蛟聲洞瀕木葉紛飛風雨  
生浪花怒激雲霧湧泉因靈曜境界奇亭爲坡仙詞  
翰重芴觀毛髮自灑淅旌陽按劍坐不動

偶成

紫府仙官此按臨瓊臺瑤館照青岑曉厓不見鳴陽  
鳳夜枕唯聞搗藥禽文舉千年今孰嗣坡仙八句後  
誰吟郊端谷口多轅轡有幾何人解滌心

集虛書院呈孟集虛

安樂山前安樂窩林園四面繞松蘿只藏汗簡鬚塵



少不種閒花古意多  
幾朝吟觀易契蒲團  
夜坐嘯元和此中便  
是修真處雲石何須  
步業栽

幾乎子朱 維則

洞攢雲爛石基枰仙  
跡猶存眼卓驚辦道  
不須憂口腹老松根  
底茯苓生

棲真洞

道人迎客下雲梯  
沓起詩來選貼題  
要見久埋書劍窟  
八門因此放頭低

石室

慕葉鄧二先生

冰霜行業竹雲閒  
葉落歸根在此閒  
可惜蘭亭無二

本哀猿聲斷月空山

葉本山

雪虐風饕梅自開  
歲寒然後見真才  
索索瑟瑟石藏吟  
骨容得春深長綠苔

鄧牧心

錢塘道士雪房孫 晉

和集賢學士張彥清游洞霄韻

好山多向畫圖看  
今日重看畫裏山  
千古翠蛟亭下水  
已隨詩句落人間  
山鳥搗殘幽洞藥  
石泉流盡古仙丹  
因過九鎖雲深處  
流水高山不必彈

酬洞霄葉隱君江南見寄二首

未落江湖膽氣寒  
可人風月帶愁看  
如今眼底空無物  
一片天真出肺肝

客裏閒拋不再春  
論年無復幘中人  
舊時一種鄉關

夢卻為君詩換得新

君嘗題寫真云他時林下一笑論年

燕山懷葉隱君

山人長在洞天居  
不是吟詩定讀書  
笑我驅馳數千里  
秋風兩鬢欲何如

燕山懷天柱孟高士

天柱峯前隱者家  
山人曾為寄新茶  
幾番欲踐尋仙跡  
路隔中原萬里賒

洞霄詩集卷第十三

洞霄詩集卷第十四

國朝名公

洞霄紀游

龍虎閑閑吳 全節

山盤九鎖之元路峯聳石高天一柱藥宮絳闕會天  
 人紅杏碧桃恩雨露神仙隱跡過雲根滄海桑田知  
 幾度丹泉飛雪暑月寒龍驤鯤擊晴雷怒森森雲樹  
 交參天層巒疊嶂可重數來賢高做翠微亭峭壁煙  
 嵐膏杖屨七竅靈從混沌開洞戶嵌空星斗布潭潭  
 大滌神龍居馬瓢蘇早分甘澍棲真境勝非人間華

蓋浮空列星聚蛻龍鳴鳳紀禎祥石室白茅逃二所  
日送歸雲不可登袖舞天風欲凌步天工借我一日  
晴萬狀呈奇明指顧朗吟長嘯振碧虛山靈怪我來  
何暮千年遼鶴歸未歸人世蓬萊在何處

又七言律奉介石先生一笑

翠蛟亭上像坡仙松籟溪風撼洞天手掬丹泉觀止  
水步穿元圃卜歸田心清隱士飢餐柏物外高人空  
愛蓮九鎖此游端不負剩添清興入吟邊

再用韻贈孟集虛

東野名如賈浪仙雲孫抱道隱沖天乾坤體用歸虛  
室水火工夫治寸田見得琪花開鐵樹方知瑤實結  
金蓮當今剩有徵賢使第恐聲名到日邊

會飲介石蓬山堂

此日蓬山酒斯文得細論虛堂納天柱流水漱雲根  
冰雪同三友詩書萃一門外方名籍籍內景性存存  
大德辛丑六月游洞霄

當塗南谷杜道堅

天柱崔嵬凌斗極下視羣峯長拱揖前山欲去復回

頭九鎖煙霞圍大滌仙人何年居此山雲根猶有當年迹丹井寒泉帶藥香浪痕翠溼巖隈石漫山古木擁旌幢風度林坳響蕭瑟漢碑唐碣兩塵埃聖元雨露霑新澤洞天羽襪多神仙宮殿翬飛粲金碧游山不獨郭文翁我亦游山杜陵客安知今人非古人自是相逢不相識看到碧桃枝上春壺中天地今猶昔

石室鄧牧和

南谷仙翁游八極千山萬山遠相揖翩然一笑元蓋大草木塵埃總湔滌晉人伏虎老空巖秦代隱仙遺古跡月來自落丹砂井風吹不動雲根石登臨歷歷經品題歎息遺音清廟瑟憶我曾游翁隱處彷彿三生似圓澤百花隴首一長嘯出山人怪雙瞳碧何期翁袖檄書來我亦暫爲天柱客劇談文字有新樂傲睨溪山皆舊識計陽有約許重游夜雨蒲團話疇昔

游大滌呈介石先生 魯郡吾衍

大滌山高似玉京昔人曾此學長生石函靈氣丹泉滴林鎖斜陽翠靄明仙翁有神能蛻骨幽禽擣藥尙傳聲郭文回首今何處欲問盧敖入太清

又二十韻

九鎖神仙宅靈蹤隔世紛仙翁能引客天柱半侵雲  
翠羽時霑袂元鴉自作羣秦橋遺蟠螭漢土賴元纁  
丹在泉猶暖山深地不分煙霞藏石壁洞府隱星文  
然竹窮幽討穿林望夕曛陳蘇畱勝槩葉鄧踵清芬  
境靜山如洗香柔草自熏行嗤謝公屐坐笑郢人斤  
已似華陽洞還通紫海垠神游真浩汗元覽極氤氳  
太華追韓愈黃庭想右軍林梢攢翠羽地角聳麋麋  
巖穴蛟龍祕芝田鳳鳥芸無人逢郭舉有路識茅君

蛻骨繁青筍浮根漾紫芹宜霜秋樹老搗藥夜禽聞  
登陟勞何憚攜招意亦勤終當餐石髓蕭散得欣欣

清都詞二首

介石仙翁七十餘龐眉野服洞天居丹泉飲我如曾  
識借與長簫作步虛

淪落人間四十年此身無復再神仙豈知又向林泉  
外手把芙蓉入洞天

會孟集虛五言寫意

籍籍元門士昭昭孟浩然經秋會有別會面喜忘筌

契闊同杯酒逍遙說洞天何能佩含景為賦卜居篇

懷鄧葉二逸人

鄧叟養其內山房事畊煙葉公澹無為不食忘歲年  
峩峩九鎖山隱此洞府仙道備出塵鞅遺軀蛻秋蟬  
臨化別所知既去形容宛然萬象有凋弊爾翁道元元  
山空失高雲洞冷滴暗泉仙傳或可繼吾當播真筌

和子行師韻

晉陽趙頤

碧雲九疊鎖瑤京靈草金芝滿地生下土煙塵空縹  
緲上方樓閣聳虛明丹泉釀酒霞無色石髓流溪王

有聲幸喜仙翁能好客羽衣談笑晚風清

宿通仙宮

山陰琴所王濟

我本山中人又向山中去山中何所有託宿煙霞侶  
酬酢飲丹泉談笑揮玉麈抱琴大滌游再約重來路

游洞霄呈介石沈先生

金堂玉室天柱高琪花瑤草環平臯蓬壺白日春消  
搖天風吹曙聞笙簫龍歸古洞石泉黑蛟舞山亭暮  
雲碧憑誰長嘯裂蒼壁急引仙瓢酌瓊液

呈古月胡先生

大滌雷仙跡仙翁引客來丹泉新雨霽龍洞溼雲開  
坐石看喬木移樽上古臺浮生寄行樂到手莫辭杯

會孟集虛

山中訪幽人片石其危坐閒參太元經貴在少知我  
耿耿雨窻燈微微竹爐火夜聞搗藥聲仙禽警吾情

陪吾子行游大滌

從君縱幽討肩輿入穹林藉此一束書為我隆冲襟  
翩然游大滌雪泉快幽尋熒熒竹間燈雨窻坐鳴琴  
二客話通夕一笑傾素心及此山中人抱獨空長吟

信宿幸小雷出山紅塵深

敬高行本山先生

高行先生迫獨尊結茅鑿翠倚雲根煙霞有趣分風  
月文字無心付子孫片影橫江深夜鶴數聲驚曉故  
山猿九霄珮環知何處古木殘陽幾斷魂

敬文行牧心先生

儒參元學更通禪三教歸宗合自然寄隱自娛閒歲  
月養高多占好林泉翠蛟亭在吟誰和白鹿山空骨  
已仙椒酒謾澆墳上土風吹老淚夕陽邊



游大滌洞天

句章任

士林

世路迴欲絕仙風杳若遺山餘秦漢迹石有晉唐詩  
日月樓臺曉雲煙草木姿藏書更何地白首付幽期

游山阻雨奉別介石老仙

我本游山來竟坐三日雨洞深石頭滑對面成幽阻  
平生韓退之衡雲故吞吐復恐北山移林慚掩虛戶  
人生出處事造物政未許下山踏塵霧回首天一柱

侍句章先生游大滌吾祖白雲翁舊題猶在

也畱詩以記

白雲方員

九鎖開珍宅懸崖石乳香山川足神氣草樹發天光  
人事雲煙薄仙鄉日月長舊題吾祖在須借讀書堂

洞霄詩集卷第十四



湧下雪濤淨洗袪暑心地清涼愛莫能去 飛玉亭

一粒金丹納千大麓日汲養蒙受茲介福 丹泉

千巖萬壑源清流長風雨不去卧護道場 翠蛟

忡忡往來朋從爾思擇其善者吾必從之 來賢巖

風波弄險直截雲關壁立萬仞孰肯躋攀 石壁

混沌鑿開穴居自適一片天真寥寥寂寂 石室

或覆之甌或荷之笠茲種特異神全蛻骨 無骨箬

山空月白搗藥飛鳴仙靈是使以療衆生 搗藥禽

洞霄舊名天柱觀武肅錢王記所載三泉合派雙石

開扉藥圃新池古壇書閣右有題品足為耿光者惜

今無傳宋紹定間住山冲妙龔先生與道士王思明

哀類大條畱題刻板行世咸淳甲戌化為劫灰迄今

大德壬寅且三十年廢弗舉名勝人山咸謂闕典恨

之宗寶以介石祖沈公命取舊集洎家藏詩與本山

葉君牧心鄧君暇日討論刪定唐宋賢及今名公題

詠命工重刻與好事者共之非獨為山中清事亦足

繼前人志也昔大德六年十月山中道士孟宗寶集

虛謹書卷後

洞霄詩集

洞霄詩集書後

冬日重游大滌洞天得詩二首

筍輿歷歷數煙鬟霜榭風篁遠近閒  
二紀重來添白髮九關依舊鎖青山  
有丹可駐壺中景無術能謀世上閒  
卻笑范零開石匱塵緣未斷便思還

前身名在碧霄曾十月探奇喜未冰  
洞裏天低堪倚杵巖中嵐暗盡篝燈  
山書字合仙人識風佩詩非俗子稱  
尚憶當年腰腳健赤城有約試飛騰

尋真又過會仙橋萬壑煙霞閉寂寥  
溪碓自鳴疑搗

藥松風不斷學吹簫  
臭帑喚醒雲根夢  
小兆來爲帝所朝  
玉殿無塵漸零落  
紫芝碑漫逐煙銷

子辛丑甲辰兩游洞霄皆有詩  
至今戊辰重游已二十四年矣  
山中無塵殿供玉皇像猶舊時構  
今漸頽圯殿中有洪武十一年洞霄新  
規記碑徐一夔文俞和書張昱篆額古刻  
存者惟此而已宋理宗書洞天福地扁  
猶存篝火入洞仙境宛然而予顏鬢已  
衰殊可歎也因成三律附書于洞霄詩  
集之後乾隆己巳春正月晦日雨中錢唐  
樊榭老

民厲鷄太鳴

官餘杭尉讀洞霄詩集敬和先王世叔祖西

枝公嘉定二年秋重游洞霄韻

原詩刊載本集第四卷

廬陵胡光煇

天柱雲封不可梯  
一官常負北山移  
仙宮未改松筠  
老祖德依然歲月馳  
追慕遊踪遺集在同編  
作者幾人知  
衙齋吏散搢頤望  
九鎖朝霞夕靄時

余先世宋兵部尙書西枝公諱榘嘉定二年有重  
遊洞霄一律載洞霄詩集中互見餘杭縣志公係

九世祖大學士忠簡公次孫是時兄弟同官至尙書詩未所云弟兄同記勝遊時者是也兄東谷公諱槩官戶部尙書余之十一世祖西枝公乃十世叔祖也余備員斯土愧弗克繩其祖武猶幸於數百年後得誦遺詩今適重刊洞霄詩集敬和元韻附於卷末時乾隆四十九年正月五日也三十世姪孫光焯并識

題洞霄圖志並詩集後寄張禮恭鍊師

九鎖青山未易尋偶披雲笈寄登臨

子家去洞霄不及百里平生游

屐未嘗至也

探奇墨妙欣逢厲

詩集後厲徵君手書重游洞霄詩有十月探奇之語

入畫詩清雅愛林

集中和靖先生秋山不可畫一篇最工

大藥敢希無

骨筋疎弦未斷伯牙琴

圖志並詩集託始於鄧高士牧心高士所著伯牙琴一卷

遺佚過半亦附刻焉

一庵閒地能相借遲我來歌嗣好音

乾隆甲辰早秋長塘鮑廷博手橐

[Faint bleed-through text from the reverse side of the page]

洞霄詩集卷第七

宋本山高道

山居

山隱道士龔

大明

山居好山居好鶴喚猿啼餞昏曉碧窻柏子炷爐香  
跌坐蒲團誦黃老

山居好山居好門對青山水環遶一榻煙霞夢寐清  
我以不貪為至寶

山居好山居好竹杖芒鞋恣幽討坐分苔石樹陰涼  
閒數落花聽啼鳥

此甚本  
不西女也行

山居好山居好  
斲月鋤雲種瑤草  
泠泠碧澗響寒泉  
蔌蔌落花風自掃

贈道友雪崖朱先生

清高絕雪崖翁  
向上元機頓觀通  
金鼎有丹成九轉  
凝然宴坐白雲中

贈道友怡雲潘先生

九轉工夫真妙絕  
丹爐進火徐徐熱  
離龍坎虎自歸  
降姦女嬰兒共歡悅  
天機密運造元微  
精采神光迴  
然別枝頭結果  
有時紅驂鸞跨鶴  
神仙列



